

Ձ. ԿԻՐԱԿՈՍՅԱՆ, ԵՐԻՄՅՈՒՐԲԵՐԸ պատմության դատաստանի առաջ (19-րդ դարի 90-ական թվականներ—1914 թ.), գիրք առաջին, «Հայաստան» հրատարակչություն, Երևան, 1982, 357 էջ:

Երիտթուրքերի կառավարման տասնամյակը (1908—1918) դարձավ հայ ժողովրդի պատմության ամենադժնդակ ու ողբերգական շրջանը: Պատահական չէ, որ այս շրջանի պատմությունը գտնվել է ուսումնասիրողների ուշադրության կենտրոնում: Սակայն մինչև այժմ հրապարակի վրա չկար մի աշխատություն, որն ամբողջական ու համակողմանի ներկայացներ երիտթուրքական շարժման սկզբնավորման հանգամանքները, նրա գաղափարական ակունքները, երիտթուրք-հայ բաղադրական առնչությունները, իթթիհատի հայահալած բաղադրականության դրդապատճառները և այլն: Կիրակոսյանի բազմամյա աշխատանքի արդյունքը հանգիստացող երկհատորյա ուսումնասիրությունը, որի առաջին գիրքը այժմ դրված է ընթերցողի սեղանին, գալիս է լրացնելու այդ բացը:

Պատշաճը մատուցելով նախորդ հեղինակների ուսումնասիրություններին և գիտական բարենփառությանը ու օրյակտիվությանը վերլուծելով նրանց գործերը, հեղինակը կարողացել է բազմալեզու գրականության ու աղբյուրների, մամուլի և արխիվային նյութերի հիման վրա ստեղծել հայ ժողովրդի արևմտյան հատվածի օրհասական տարիների պատմության ամբողջական պատկերը:

Միանգամայն համոզիչ ու հիմնավորված է պրոբլեմի պատմական ֆոնը: Հեղինակը ցույց է տալիս, որ XIX դ. 80—90-ական թվականներին Օսմանյան պետականության ներքին քաղաքականության անկյունաքարը դարձած հակահայկականությունը ոչ մի տարերային բան չէր պարունակում: Այն ծնունդ էր առել՝ խեղդելու համար արևմտահայության վերելք ապրող ազգային-ազատագրական պայքարը: Ընդ որում, միանգամայն իրավացիորեն նշվում է, որ թուրքական իշխանությունների հակահայկական ընթացքը խարսխվում էր ինչպես քաղաքական, այնպես էլ տնտեսական դրդապատճառների վրա: Օսմանյան կայսրությունում իրենց քաղաքական, տնտեսական ու մշակութային զարգացման մակարդակով թեև թուրքերը ետ էին մնում համարյա բոլոր հպատակ ժողովուրդներից, սակայն նրանք օգտվում էին տիրապետող տարրի բոլոր արտոնություններից: Այս հողի վրա ծնունդ էր առել թուրքերի գերադասելիության մտայնությունը, որը դարձել էր երկրի քաղաքականության վճռական գործոններից մեկը: Իր մրցակիցներից ետ էր մնում նաև թուրքական ներելուկ բուրժուազիան: Տանուլ տալով տնտեսական զարգացման ընդհանուր ծալք առած մրցակցությունը, նրա ներկայացուցիչները ճենվում էին սուլթանի իշխանության, պետական մարմինների օժանդակության վրա բռնի ուժով կանխելու, ի լիք դարձնելու հույների, սլավոնների, հայերի, հրեաների բացահայտ առավելությունները (էջ 13—14): Հետևաբար, միանգամայն ակնհայտ էր, որ Օսմանյան կայսրությունում ճշմարտության առաջընթացին հակադրվում էին բիրտ ուժը, յաթաղանը, զնդանը» (էջ 21): Իր առաջ քաշած թեզը զարգացնելիս գրքի հեղինակը բերում է Մուգա կուլսեմբուրգի մի կարևոր դիտումն այն մասին, որ թուրքական ռեալիտետության հիմքը խարխվում էր, սակայն նրա, իբրև ժամանակակից պետության, զարգացման հիմքը չէր ստեղծվում: Ճկող պատճառով էլ նա պետք է խորտակվի ոչ որպես կառավարական ձև, այլ որպես պետություն, ոչ թե դասակարգային պայքարի, այլ ազգային կոֆլիկտների հետևանքով» (էջ 22):

Առիթը դարձնելով Բեռլինի կոնգրեսում Հայկական հարցի քննարկումը և կայսրության ներսում օրավուր խորացող ազգային զարթոնքը, թուրքական կառավարող վերնախավը վճռեց կոտորածներով լուծել Հայկական հարցը: Անգրադառնալով 1890-ական թվականների հայ ազատագրական շարժման առանձնահատկություններին, Ձ. Կիրակոսյանն իրավացիորեն նշում է, որ «ամենամեծ շարիքը համազգային ճակատի, ուժերի համախմբման բացակայությունն էր: Ազգային պետականության ու անկախության իրավունք նվաճած նախորդ բոլոր երկրների (Հունաստան, Սերբիա, Չեռնոգորիա, Բուլղարիա և այլն) պայքարից հայկական շարժումը նախ և առաջ տար-

բերվում էր հենց դրանով (էջ 31): Իսկ անցյալ դարի վերջին ձևավորված հայ ազգային կուսակցությունների «տակտիկան», գործելակերպը, մեթոդները, շախմատային հարափոփոխ էին, քաջահայտ արկածախնդրական (էջ 45): Միջկուսակցական տեղական պայքարը խանգարում էր համազգային կուսակցության ճակատով հանդես գալուն: Խոսելով երիտթուրքերի հետ դաշնակցական կուսակցության ակտիվ համագործակցության մասին, Զ. Կիրակոսյանը շեշտում է. «պատմությունն ապացուցեց, որ իթթիհատի հետ դաշնակցության համագործակցությունը անհնարաբեր, ազգավնաս գործելակերպ էր, որը նպաստեց թուրքական հայակործան քաղաքականություն իրականացմանը» (էջ 336): Ժամանակին, դատապարտելով դաշնակցության այդ քաղաքականությունը, զորավար Անդրանիկը հայտարարել է. «Եթե այս հեղափոխական կարծիքը թուրքերը որ մը ձեռք չկախեն, ես մարդ չեմ»:

Անշատությունում հանգամանակից վերլուծվել է եվրոպական դիվանագիտության դիրքը Հայկական հարցում և ցույց է տրվել, որ թուրքական կառավարող շրջաններն արևմտահայությունը բնականոն ձգտումները՝ ազատագրվելու օսմանյան խեղդող լծից, համարում էին դրսից հեռահարված խոսվություններ: Մինչդեռ անգլիացի պատմաբան Բրայսը ժամանակին խոստովանել է, որ եթե արևմտյան տերությունները «պարտքի ամենափոքր գիտակցությունն ունենային, Հայկական հարցը կլուծվեր առանց դժվարության» (էջ 89): Սակայն պատմական իրողությունն ունեցավ միանգամայն այլ ընթացք: Առանց բացառության եվրոպական բոլոր մեծ պետությունները ցանկանում էին Հայկական հարցն օգտագործել միայն Թուրքիայի ներքին գործերին միջամտելու, նրա վրա ճնշում գործադրելու, այդ պետության վրա իրենց ազդեցությունը տարածելու, նրանից զիջումներ կորզելու և տնտեսական ու քաղաքական օգուտներ ձեռք բերելու համար: Եզրակացությունն այն է, որ հիշյալ պետությունների տիրապետող դասակարգերը վարում էին զգաղութների թալանման, օտար ազգերի ճնշման քաղաքականություն, բնավ չցանկանալով օգնության ձեռք մեկնել թուրքական դժոխքում գալարվող արևմտահայությանը» (էջ 112): Զ. Կիրակոսյանը հատկապես մանրադրին քննել է Ռուսաստանի քաղաքականությունը Հայկական հարցի նկատմամբ, բացահայտելով տարբեր ժամանակներում նրա երանդները: Սակայն անկասքարիզմի հետապնդած նպատակներից, լիազոր ու ապահով կյանքի կարոտ արևմտահայ աշխատավոր գյուղացիությունը, մանրբուրժուական խավերը Ռուսաստանի հովանավորության ու պաշտպանության մեջ էին տեսնում գոյատևելու իրենց հեռանկարը» (էջ 25):

Գրքում հանգամանակից վերլուծվում է երիտթուրքական շարժումը սկսած իր խանձարուրից մինչև պատմության թատերաբեմից իթթիհատի անփառունակ վտարումը: Մասնավորապես ցույց է տրվում, որ նրանց հոգևոր ուսուցիչներն են հանդիսացել թուրք առաջին լուսավորիչները և սահմանադրականները, որոնք, ազգայնականությունը զրահ դարձնելով Արևմուտքի ահող ազդեցության և ներքին ալյացիոյ ու ալյադական տարրերի դեմ, փորձում էին բարձրացնել թուրքերի դիրքը կայսրության բազում ազգերի ու ժողովուրդների կոնզումբրատի մեջ, նրան դարձնել լիարժեք տիրապետող ազդ (միլլեթ-ի հաքիմի): Իթթիհատը սողալ-դասավարդային առումով ֆեոդալական, վարչական ու զինվորական շրջաններից սերած, միապետական ու իսլամական գաղափարներով սնված, կիսաավատական ու կիսաբուրժուական կազմակերպություն էր, որի գլխավոր նպատակը 1876 թ. միդհատյան հնացած սահմանադրության վերականգնումն էր և սահմանադրական միապետության ստեղծումը: Ընդ որում, «հեղափոխականները հորքոյված երիտթուրքերը հենց սկզբից հանդես եկան որպես կայսրության ճնշված ժողովուրդների ազգային-ազատագրական շարժումների կատաղի հակառակորդներ: Նրանք իրենց քաղաքականության հիմքում դրեցին Արդուլ Համիդի ժառանգած պանիսլամիզմը, այնուհետև ֆեոդալական վերնախավում մշակված օսմանիզմի գաղափարախոսությունը, ապա պանթուրքիզմն ու թուրքիզմը: Այս բոլոր գաղափարախոսությունները զեռեք է ծառայելիս նպատակին՝ Օսմանյան կայսրության ամբողջականությունը պահպանելուն:

Զ. Կիրակոսյանն ուղադրավ ու հարուստ փաստական նյութեր է բերում այն մասին, որ երիտթուրքական շարժման սկզբնավորման առաջին օրերից նրա հիմնադիրները բացասական դիրք բռնեցին հայ ազգային-ազատագրական պայքարի նկատմամբ: Ավելին, նրանք շեշտադատում էին սուլթանին, որ թուրք ժողովրդին չէր հրավիրում պատմելու հայերին» (էջ 120): Բացահայտելով այդ անհայտ թշնամանքի պատճառները, հեղինակը մասնավորապես շեշտում է, որ, հանդիսանալով նոր ծնունդ առնող թուրքական բուրժուազիայի ներկայացուցիչներ, երիտթուրքերը չէին կարող անտարբեր մնալ հայերի տնտեսական ակտիվության նկատմամբ: Թուրքական բուրժուազիան ձգտում էր երկրի ներքին շուկայից դուրս մղել այլազգի բուրժուազիային և զբավել նրա տեղը:

Ներքին քաղաքականության բնագավառում ի սկզբանե շուկինիզմի թուլնով վարակված երիտ-թուրքերի գաղափարախոսությունը դարձավ թուրքիզմը, ոչ թուրք ժողովուրդների միաձուլումը՝ սմեկ ազդ, մեկ լեզու և նշանաբանի ներքո, իսկ արտաքին քաղաքականության մեջ, պանթուրքիզմը, որը քաղաքում էր անզուսպ կերպով շարժվել դեպի «Մեծ Թուրան»՝ թուրքական պետականության դրոշի տակ համախմբելու համար բոլոր թուրքալեզու ժողովուրդներին։ Իրենց այդ գն-դադույն նպատակին հասնելու ճանապարհին նրանք պատրաստ էին ոչնչացնելու բոլոր արգելքները և, առաջին հերթին, Հայաստանը, որը սեպի պես խրված էր Թուրքիայի ու Թուրանի միջև։ Պատահական չէ, որ իթթիհատին իր քաղաքական ծրագրի իրականացման նախապայման հռչակեց «Հայկական հարցի առմատական լուծումը» (էջ 223), որի տակ, անշուշտ, հասկացվում էր հայ ժողովրդի նախապատրաստվող հրեշավոր ցեղասպանությունը։ Այդ ծրագրերը, սակայն, չէր ավարտվելու մեկ եզակի փուլով։ Որոշված էր սկզբում ոչնչացնել հայերին, հետո հուլենրին, ապա քրդերին (էջ 227)։

Զ. Կիրակոսյանը մեր պատմագիտական գրականության մեջ առաջին անգամ հանգամանորեն վանգ է առնում երիտթուրք-սիոնիստական առնչությունների հարցի վրա, ցույց տալով, որ երիտ-թուրքական շարժումը սերտորեն կապված էր սիոնիստական կազմակերպությունների հետ և նրանցից փոխ էր առել ուսմիզքը, ազգային բացառիկության, թուրքերի գերաշխարհական վերաբերյալ ամեն տեսակի անհեթեթությունները։ Խորամուկ լինելով դրա դրգապատճառների մեջ, հեղինակը մասնավորապես նշում է, որ «գեմեկրատիայի հաստատումով թուրքերը հեշտությամբ կարող էին կորցնել իրենց արտոնյալ վիճակը կայսրության գործերում, մասնավոր, որ ամբողջ բնակչության մեջ փոքրամասնություն էին կազմում» (էջ 136)։ Այդ էր պատճառը, որ որպես փրկության խարխալ նրանք ապավինեցին ռասսայական տեսությանը և գլուխեցին «դեպի իրենց բնական միջավայրը», դեպի ասիականությունը կամ թուրքականությունը (էջ 169)։

Գրքում Զ. Կիրակոսյանը կատարում է կարևոր ու գնահատելի ընդհանրացումներ ու ամփոփումներ։ Նա շարժաշար մեծ տեղ է հատկացնում թուրք և թրքամետ հեղինակների գրվածքների ըննադատությանը, որոնք խեղճվուրում են պատմական փաստերը, դրանք ներկայացնում ծուռ հայելու մեջ։ Պատմության կեղծարարությունը, — գրում է նա, — Թուրքիայում կատարվում է պետական մակարդակով» (էջ 9)։

Աշխատության կարևորագույն արժանիքներից է այն, որ նրանում ակնառու ցուցադրվում է թուրքական քաղաքականության ժառանգականությունը և օրգանական հաջորդականությունը ոչ թուրք ժողովուրդների ու նրանց ազգային իղձերի ու շարժումների նկատմամբ։

Մեր կարծիքով, աշխատությունն ավելի կուռ դարձնելու համար հարկավոր էր համախմբել հայ քաղաքական կուսակցությունների ու գործիչների տեսակետները և դիրքավորումները երիտ-թուրքական շարժման ու երիտթուրքերի քաղաքականության հանգուցային խնդիրների նկատմամբ։ Իթթիհատի սոցիալ-դասակարգային դեմքն ավելի բացահայտորեն ցուցադրելու համար պետք էր նաև առավել հանգամանորեն անդադառնալ երիտթուրքական համագումարներում քննարկված, առաջին հայացքից երկրորդական թվացող, հարցերին։ Նպատակահարմար էր հատուկ բաժին հատկացնել այն հարցի բացահայտմանը, որ հայ իրականության մեջ հեղի են բազմաթիվ գործիչներ, ողորդ, դատապարտելով իթթիհատի հետ դաշնակցական կուսակցության համագործակցության գիծը, նշում էին, որ անհրաժեշտ է տարանջատվել երիտթուրքերից և սերտ համագործակցության մեջ մտնել Օսմանյան կայսրության մյուս ճնշված ժողովուրդների ազգային-բուրժուական կուսակցությունների հետ։

Անտարակույս Զ. Կիրակոսյանի սույն ուսումնասիրությունը կարևոր ավանդ է սովետահայ պատմագիտության բնագավառում։ Այն մեր ընթերցող լայն հասարակայնությանը կօգնի ավելի իրազեկ դառնալու սեփական ժողովրդի պատմության ողբերգական էջերին։

ՎԱՀԱՆ ԲԱՅԲՈՒՐԳՅԱՆ

Պատմական գիտությունների դոկտոր